

松陽縣志

第柒冊

卷十

列女

卷十一

兵制

松陽縣志卷十

列女志

孝節貞烈附良妻賢母 義淑仁慈
女士附女佼畢業生 仙姑

自古婦女之賢詩書所載何可勝數史記列女有傳次於列傳之間誠以巾幗丈夫其樹立與鬚眉固自無異況近世力伸女權女界中尤多翹出之材更不僅以貞節二字為足表見已也今依府志改貞節舊目為列女且於人物外分為一類度博采周諮凡有義烈賢孝其淑德徽音不使稍有湮沒不尤足敦風化之原哉志列女

列女志一

孝節貞烈

附良妻賢母

松陽縣志

卷十

列女

孝節貞烈

一

謹案褒揚條例孝義節烈分為數款是則孝重於節不但不得混稱貞節且不得混稱節孝故凡孝婦孝女節婦烈女均應分列乃舊志併載未便分析今仍其舊而以孝節貞烈標其目焉

宋

府志
作吳

柳朱朱育女按舊志會稽典錄所載云會稽守濮陽興問書佐朱育以國賢之亞育以其女柳朱對曰一醮守節終身不改其節可知矣

案漢獻帝始置松陽郡朱育係孫吳時山陰人仕郡門下書佐會稽典錄載太守濮陽興問士於育育述虞翻

對王景興語濮陽興復問亞斯以下育稱上虞陳業等
竝稱其女則松陽柳朱永甯瞿素皆近世之事尚在耳
目是柳朱爲朱育以前人故尚在耳目松陽舊志未繹
全文誤會其字以朱育語爲後人記事語遂以柳朱爲
朱育女與濮陽興等竝列於宋疏舛太甚因詳辨而正
之錄府志

王氏丁朝議妻侍郎王松年女幼習內訓事舅姑接妯娌
鄉閭莫不欽其淑德年二十五夫卒無嗣立侄孀居冰
節有詔旌表捐田爲寺甃路造橋至今人誦碑記猶感
其德云

松陽縣志

卷十 列女

孝節貞烈

二

張玉娘字若瓊父授以孝經女訓過目成誦蓋張爲宦族
積書遺藝玉娘竊玩益深至其所作詞文不下漢之班
姬遂號一貞居士父母擇配爲狀元沈晦七世孫榜眼
沈佺之妻未婚而沈生宦遊京師病羸不起時玉娘年
二十四矣矢志守節臨唯哀慟恨不同死忽夜夢沈生
駕車相迎卽披衣起坐謂侍兒曰吾事定矣未逾月竟
不食而殞父母痛之與生並葬於附郭楓林玉娘舊玩
能言鸚鵡及侍兒紫娥霜娥飲恨悲鳴相繼列并遺以
殉葬名其塚曰鸚鵡塚玉娘遺稿曰蘭雪集或有携上
京師者學士虞伯生歐陽元讀其詩至山之高月出小

月之小何皎皎我有所思在遠道一日不見兮憂心悄悄撫几歎曰可與國風草蟲並稱豈婦人女子之所能及耶

元

王氏周惠妻惠早亡王守節不二至正間耆老聞於朝旌表之

毛氏周某妻美姿色至正間隨夫避亂山中爲賊所執脅之曰從我多與若金否則殺之毛曰甯割我身不願汝金賊以刀磨其頸因大詈曰碎剛賊汝死則臭我死則香賊怒剗其腸而去

松陽縣志

卷十

列女

孝節貞烈

三

葉氏毛彥清妻長子三歲次在孕姑老彥清好武技出游荆襄值元季兵亂莫知所之葉日夜奉姑撫子無不周至每以荆花榮茂事諭二子曰兄弟和氣則家道昌大二子遂順母教克和厥家五世不分

明

劉氏葉挺妻年十九孀居事姑至孝壽至八十二而終

劉氏楊進佳妻年二十七夫亡無子母悲其年少欲令再適不從引刀^自刎自家人救之得免以血衣寄母誓無他志壽八十四

陳氏徐祿妻年二十夫亡家貧無子姑染痺疾不能行陳

晨夕扶持誓志不改壽九十

潘氏吳質妻正統間宣平寇起避難橫山寨中寨破寇脅潘不從抱子投崖下而死

周廷輝女年十八有姿色正統間避兵橫山寨寇至欲迫去不從卽以刃按其頸女曰甯殺決不汝污遂被害鄉人哀而葬之

包宏仁女年十九正統間鄉人乘亂欲逼娶女不從自縊而死

徐氏高僅妻年二十適僅生一子歲周僅溺水死徐索屍不得欲投水死以愬於神忽屍浮出人異之徐誓不欲

松陽縣志

卷十

列女

孝節貞烈

四

生每思尋死以報夫族人憫其志共爲斷機圖以慰之曰節婦撫子有成是卽所以報夫也一日徐之父病篤間覺有神語曰當得人以代徐聞之曰是得其會矣遂沐浴更衣絞襟結帶以自縊父忽問曰予免矣蓋得女愬而代也

項氏吳榮妻有姿色在樓績麻有族姓名鷗童者窺而戲之項卽叱怒墮樓死隣族哀之聞於官刑其罪人禮葬之族爲烈婦

楊氏吳四妻生子五月而夫亡楊哭之甚哀姑欲移其志楊不從姑乃陰納配里之巨族楊覺遂引刀斷喉死時

年二十有四

鄭氏徐銓妻銓卒父欲令其再醮鄭矢志不易父以計強之鄭度不免乃佯言沐浴更衣如內良久衆疑之開戶已縞衣自縊矣父乃歸其柩與夫合葬人名其墓曰完節墓

包氏潘經妻年二十五夫卒家貧二子俱幼誓志守節教子有成嘉靖間聞於朝表其門曰貞節

吳氏包旦妻年二十五夫亡泣血撫孤誓不再醮隣族上其事於官宏治間旌表其門壽至八十餘

蔡氏葉三妻三貧負薪蔡小心敬事之三久病織紵供藥

松陽縣志

卷十

列女

孝節貞烈

五

三病篤執蔡手訣曰趁我生前嫁免得三年苦蔡詭爲樂從狀梳洗更衣因袖刃告於三曰我先嫁矣仆地流血而死未幾三亦終焉

葉氏毛德妻年二十夫故子生方三月誓志守節育子成立御史王公表其門

葉氏周天民妻年二十五夫亡長子三歲次子在娘家貧誓志守節設夫靈於室朝夕哭奠屏簪珥勤紡織翁繼夫歿事姑二十年孝養懇至姑疾調藥寢食不遑育子俱成立撫按郡縣並旌其門曰貞節曰節孝仍給布粟壽八十四

高氏徐洪勗妻年二十三夫故家貧紡織奉姑父母欲嫁之高以死自誓旣而姑又迫之泣曰妾以姑老子幼形影相弔萬一失所妾何顏以見夫乎勵志守節壽至九十其子琳亦克承母教敦尚禮義舉鄉飲

張氏葉純仁妻年二十守寡事姑足跡不離閨域又善教子隣族皆隣其苦志

毛氏潘伯葉妻年二十孀居無子家無宿儲歲餘母命之出氏歎曰吾命也苟所適復如此奈何堅拒之苦守數十載紡織度日縣尹范公聞其苦節匾獎曰勁節凌霜壽八十五

松陽縣志

卷十

列女

孝節貞烈

六

詹氏徐夢旒妻性柔順孝謹旒好學家貧出簪珥以從所志旒病鬱將危割左股爲劑療之病愈復作又割右臂及卒引刀自刎姑泣曰吾老子幼汝死益傷我心也婦勉強素食朝夕不離姑側值伯氏迎姑就養宦邸遂與姑訣曰妾所以不死者有待耳姑得所托妾願侍亡人於地下撫棺一哭而死

包氏周寵妻爲女時知孝義寡言笑父母愛之年十九適寵夫故遂布衣素食奉姑盡孝姑曰此生何以報之姑歿益勵前志孀居四十六年勤紡織理家事少有餘則令子置祭田建祠宇周貧恤孤鄰族聞於官匾其堂曰

冰蘖

包惟政女自幼孝順母卒父欲醮人女曰父鰥弟幼女嫁則親何依辟纊養親父病侍藥不離左右月餘不解衣帶父歿喪葬盡禮以孝女終

毛氏徐揚輝妻生子萬松氏年十八夫亡松幼時有欲令改嫁者痛哭幾殞以柏舟自誓訓子有斷機畫荻之風松曲體母心以明經出仕人以爲節孝之報

葉氏徐大載妻年十九夫亡哀踊求死翁姑泣謂曰亡兒已弗及奉我爾能撫孤成立功德大矣乃拭涕黽勉拊育幼孩孝養翁姑始終無間院道獎賞子毓秀克有成

松陽縣志

卷十

列女

孝節貞烈

七

立

毛氏潘元義妻早喪夫矢志守節竭力事姑宗黨罔不哀之事聞於上司旌表其門男國璽娶婦徐氏未期而亡徐朝夕慟哭遂自縊時稱潘門兩節

葉氏生員徐度貞妻年二十一夫亡勤儉紡織苦節殞身有姑詹氏遺風年七十二縣以匾旌之

周氏潘伯正妻年二十一夫亡子幼家貧織紵自給訓子入庠足不踰閭三院屢給布粟旌其門曰貞節

周氏毛鳳周妻年二十四夫亡矢志冰霜事舅姑盡孝縣令范公錕匾其門曰節孝雙全

葉氏王家士妻家貧愛敬無怨言夫以骨哽斃氏撫孤而
摩其頂示不欲生翁不揣其意曰若不患無夫矣氏頷
之俟夫喪葬事畢仰藥卒數日目光如炯人以爲貞節
所感

毛氏劉孔教妻年幼而寡姻族漁利勸改醮氏誓矢柏舟
男德性娶媳葉氏甫孕而德性殤葉痛哭欲絕毛氏涕
泣苦慰曰而尙有妊或一綫可延也葉稍節哀果產子
撫育成人郡以匾旌之曰節孝

楊氏葉良俊妻年二十五夫故遺幼子家無擔石縫裳紡
紝糊其口姑嫜憐之聽他適氏誓矢靡他詎子女成立

松陽縣志

卷十

列女

孝節貞烈

八

俱天折晚年益孤苦壽七十三邑令林公匾旌之曰霜
節

丁氏周一蘭妻性貞靜年二十一孀居誓節事舅姑葬祭
唯謹茹苦嚙辛五十餘載矢志如一屢經院道給匾獎
勵載入憲綱歲時給以束帛壽八十一

葉氏詹希元妻年二十而寡三子少孤強節哀撫以慈教
以嚴壯有室曠禮猶加杖長子應瑞暨厥婦最得氏懽
侍疾不解衣終夜跪摩其胸背時咸以孝稱之

毛氏周複妻氏孀時年尙艾足不踰閨言必中禮艱難苦
志撫子完成立完克肖孝義敦本務實年踰八旬不輟

吟咏瞿郡倅一見而加禮焉

劉氏毛汝文妻年二十四育子方穉夫病不解衣者累月且焚香剗股療之及歿氏慟哭於地曰死同穴夫婦之義時耆老應雷乃其伯翁扶杖諭曰義莫大乎存孤死何如乎礪節倘天憐爾志當不令若母子失所也氏誓節勤苦撫二子成立府縣交旌其門壽七十八

周氏生員潘國舉妻孀居四十餘年甚艱苦冰雪自搯經理治家訓二子繼芳繼芑讀書有成克振家聲壽七十餘

某氏十三都人有麗色夫繫逮二差徃拘欲污之其一差

松陽縣志

卷十

列女

孝節貞烈

九

稍強婦計愚之曰汝當護我我卽私汝強者爲保全無恙行至風門坳見樵採滿山借刀挫履屐擲於山下戲語二差得屐者與之同宿二差爭趨遂自刎死時人嘖嘖傳之惜未得其姓氏云

周氏何曾六妻年二十二夫故遺子僅三歲家貧矢志守節撫孤裁剪紡織以度日鄉里敬之壽七十餘

潘氏劉孔受妻年十九育子甫週夫故有六旬老姑矢志守節奉事無闕紡織治家訓子有方弱冠食餼不幸早夭撫孫遊庠壽七十四

劉氏詹應震妻年二十孀居無子有勸之再醮者氏曰半

載匹耦莫非前定一與之齊終身不改乃苦守至八十多載鄉閭咸重其節

周氏毛汝節妻年二十四夫亡兒方離襁褓家貧朝夕紡織訓子成名邑令張公匾獎之年至七十二

徐氏葉有斐妻年二十二遭夫疾割股以療因遇祭斐思食鶩氏懼傷生勸止之不日夫卒氏遂誓不食鵝守志五十餘年訓子凌雲遊庠行著鄉閭院道交獎其貞節云

周氏徐應鳳妻性好施捨孀居苦操時無間言壽至百餘歲邑令林公造廬以禮謁見仍立碑亭以表揚之

松陽縣志

卷十 列女

孝節貞烈

十

王氏潘國聘妻年二十五寡居父懷軒自宦歸佯試之曰汝終適人乎撫子乎氏曰婦不二夫大義也三子俱在吾何適乃益堅其節撫子十數年成立遊庠又及見孫遊庠孀守八十多載

徐氏葉經濟妻夫歿治家有度教子成立子又夭卒同媳徐氏撫孫家漸衰落始終靡間時人稱爲雙節

劉氏葉繼忠妻年二十七忠疾篤與妻永訣謂子幼而貧不能糊口聽他適氏哭誓曰夫雖服田然家世詩禮妾焉敢玷家聲比死食力撫二子壽八十餘縣給匾曰貞節凌霜

徐氏潘繼恩妻年尚艾恩疾亟與氏訣曰吾夙重師儒亦唯望二子成立振我家聲今吾不及見汝當責成之氏痛其言勤守家業嚴訓之學氏疾篤亦與二子言曰汝父遺言庶幾可復唯望汝兄弟克振家聲式相友恭壽六十餘終

楊氏程大秀妻年二十六夫故家貧紡織撫養幼子長成壽至九十六

潘氏葉起鳳妻年二十一夫病終年調理衣不解帶及故幾不欲生姑慰之曰我老孫幼誰爲撫養氏遂矢志不預外事時姑病顛危天割股祈以身代邑令張公給其

松陽縣志

卷十

列女

孝節貞烈

十一

匾曰節孝

葉氏生員項應元妻元奮帷嘔血病劇氏顛天割股終不治慟哭欲絕翁力解曰汝不念垂白當念諸藐孤乃勉進粒年方艾事姑嫜生死皆以禮經營婚嫁多方拮据且訓子成人爲時所敬仰云

潘氏葉時華妻年二十一夫故家貧紡織撫養幼子內外無間言壽六十五

程氏徐履祥妻夫故遺二子氏哀悼撫育幾成人而殤哭不欲生乃父必進公諭之曰兄弟之子猶子也俾叔氏娶妾多男子爲汝夫繼則生賢於死矣氏如命捐產資

叔得三子爲立繼族里共稱賢節

洪氏生員王夢曰妻早年夫亡家貧紡織自給以撫幼孤
既而夫之兄弟欲奪其志洪覺截髮自誓邑令孫鵬舉
匾族苦節

高氏王士良繼妻頗通書史踰笄夫故茹素誦經撫前氏
之子若孫勝已出遺腹一女紡織養成擇配以賢不計
貧富

徐氏周繼康妻年二十五夫亡守節不渝終始如一訓子
孫俱業儒有古人風

劉氏毛鳳華妻年二十四夫故子汝榮汝章尚在襁褓晨

松陽縣志

卷十

列女

孝節貞烈

十二

夕勤紡撫之及汝榮爲商於外汝章奉菽水甚得懽心
族黨尤以孝著邑令程子諫旌曰孝慈一家氏壽八十
七終

葉氏董伯思妻年二十六爲未亡人誓志終身孀守三十
載無間言縣令張公匾嘉之

徐氏葉公榮妻年二十七夫故育二子方幼誓死靡他朝
夕勤績以力耕訓家子少山善事母病刲股療之徐守
志六十五載如一日壽九十二終

清

徐氏生員高攀桂妻早喪夫矢志守節丙戌夏方兵入境

刦掠強奪不屈遂自縊

葉氏徐日華妻年十八丙戌夏方兵入南洲氏避山谷間
遇賊逼不從遂墜巖死

葉氏庠生項繼彝妻康熙甲寅閩逆寇邑氏年艾避寇密
縫衣袴遇賊逼欲污之罵不絕口賊剖其腹而死

劉氏庠生毛傑妻康熙甲寅避閩寇入山爲寇所獲懼寇
污已行至崖壁下臨深澗處乘間投澗死人盡哀之

何氏庠生徐履綱妻年二十五夫亡二子俱幼痛不欲生
父慰之曰死節易教子難當爲其難者氏勉從之家貧
紡織撫孤跡不踰閭訓子麟瑞食餼於庠每值夫忌哀

松陽縣志

卷十

列女

孝節貞烈

十三

痛如初壽八十六

葉氏庠生何承茂妻年二十三夫故一女四歲一子僅三
月族眾議嫁之葉以死誓再迫之泣曰所未死者以遺
孤在若死所甘也自經者再人始不敢議後依母日事
紡織以育子女子登桂遊庠女妻庠生丁景億年五十
有六子婿欲爲請旌氏不許人咸敬重之

葉氏故衿潘嘉澍妻年二十一夫亡生一子方週氏投繯
殉夫翁姑救解曰吾年七旬不幸子死汝若此將誰望
乎氏勉留守節以十指爲俯仰計後遭閩寇偕孀氏同
避山中孀死遺姪爲賊擄去氏哭絕知侄尙存罄私錢

贖歸賊平還家訓子姪讀書皆得遊庠壽八十三
何氏儒童潘延萬妻年二十二夫亡遺孤襁褓女五歲立志守節備嘗辛苦教子成立孀居五十餘年鄉里嘉其節欲爲之請旌氏謝曰方吾夫之死吾不能以死殉爲翁姑衰老子女俱幼乃隱忍偷生以至今日尙何旌爲鄉里聞其言益加歎服壽至八十二卒

潘氏生員劉國旺妻年二十歸劉生子朝瑄在襁褓而夫歿翁姑憐其艾聽他適氏泣曰翁家世詩禮敢玷厥聲耶以柏舟自矢礪志撫孤讀書授室已將成立子復死氏慟幾絕曰死而有知何顏報吾夫於地下欲自盡者
松陽縣志 卷十 列女 孝節貞烈 十四
再族黨共相勸勉遂立侄次子爲繼延師課讀爲之擇配備嘗艱苦郡守聞而嘉歎匾其門曰冰清玉潔壽至六十餘孀守幾四十年

葉氏廩生徐麟瑞妻年二十九夫死二子方在抱姑何氏既寡家計更貧姑媳相依茹茶飲蘖撫二子成立氏年
至六十而卒人稱一門雙節云

葉氏劉永發妻康熙甲寅發避閩寇入山谷中墜亡氏年二十四誓以死殉因翁姑俱老遺孤尙幼勵志守節克盡孝慈年至八十而卒郡守劉公旌其門曰節壽懿輝
徐氏城東橋亭庄詹廷弼妻年二十二夫死孀守四十九

年以壽終邑令孫翼旌其門曰松筠玉節

潘氏毛村毛羽詢妻年二十九夫死子振鷺甫八歲氏守苦節教養成立郡守王公以匾獎之曰義方嗣徽

周氏桐榔李永道妻年二十六夫亡無子家貧無可依或勸其他適氏不從恃紡織糊口年至五十八苦節彌貞潘貞烈舊市潘繼佳女許字葉公愷子蘭泰未婚而蘭泰死訃至女欲往奠父阻之女告其妹曰吾痛不得生見夫面他曰吾死當以棺歸葉氏夜半衣素服自縊女既死其妹始以其言白於父父憐其志與蘭泰同穴葬焉葉氏十八都潘葉生妻年二十八夫死上事舅姑下撫孤子孀守至七十二歲而卒

松陽縣志

卷十

列女

孝節貞烈

十五

李氏劉復登妻年二十六夫死家最貧或勸他適氏剪髮自誓紡織以食教子有成孀守五十四年備嘗艱苦人嘉其苦節子崑孫湛均入庠生

周烈婦力溪魏文瑞妻家貧氏操井臼勤紡織以相其夫時乾隆己卯春文瑞他出有異姓兄夏顯者以言挑之氏聲色俱厲顯窺鄰壁無人持刀強逼令箝其口氏號呼益力顯刃氏額仆地氣絕獨兩目不瞑文瑞歸奔訟於官官往視氏既死矣忽甦曰夏顯欲污我不從故殺我也言畢目隨瞑官奇其節題請建坊旌表祀節烈祠

梁氏淨居庄儒童包逢第妻年十八歸包侍翁疾不倦相
夫子惟勤二十四歲夫亡撫子復天繼姪又死復繼侄
孫爲嗣置立祀田躬勤紡績不惜勞瘁更捐社穀叁百
石於乾隆二十四年鄰族舉報邑令吳鳳章具詳撫憲
莊公准請旌表

劉氏楓嶺根王廷龍妻年二十七夫亡無子氏稱未亡人
者三十六年閉門紡織冰操自勵雖至親亦鮮識其面
葉氏城南潘承禹妻年二十三夫死勵志守節孝事舅姑
生子益榮遺腹子也教之成立備盡艱苦年七十餘猶
勤紡織邑令吳卓吳鳳章及儒學皆以匾獎之

松陽縣志

卷十

列女

孝節貞烈

十六

金氏舊市葉長武妻年二十八夫死貧而無子自誓守志
撫姪爲嗣紡織以供衣食人嘉其苦節

王氏十五里庄紀正位妻年二十七夫故一子未週歲氏
以守節撫孤自誓及子夭亡或勸他適輒厲聲叱之孀
守幾三十年冰雪之操閭里多嘉歎焉

蔡氏楊家堂宋伯玉妻年二十六歲夫亡誓志守節茹荼
飲蘖今至六十餘歲閭里以勁節稱之

王氏貢生劉琮妻年二十七夫亡無子或勸他適輒怒詈
撫姪永錦爲嗣孀守至五十餘歲操行冰潔人無間言
包氏劉玫妻年二十九夫病氏奉湯藥日夕不離側及死

氏誓守節有遺腹子永爐氏危之復以侄永炯爲嗣一體撫養延師授學皆得成立

葉氏十五里庄紀德祿妻年二十四夫亡無子氏守誓撫姪爲嗣家最貧窘藉紡織資生終身不茹葷孀居數十餘年操行潔白人稱其苦節

潘氏舊市吳照慶妻年二十于歸吳門甫週年夫故無育哀毀骨立絕而復甦者數次翁姑慮氏年青私相歎曰守此室者惟我二老耳氏聞言跪誓曰兒願以婦道而盡子道從一而終矢志靡他甘受荼苦縞衣素服不出戶庭設甘旨以供二老翁姑有疾徹夜忘寢以待湯藥

松陽縣志

卷十

列女

孝節貞烈

十七

疾篤焚香籲天減算天佑其衷得獲痊愈節孝聞於閭里守節五十餘年壽至七十有一

葉氏外孟庄生員孟脩來妻德性溫柔克盡婦道夫染痼疾十餘年氏調湯藥侍奉弗懈及卒遺產甚薄氏年二十九無所出甘心茹荼矢志堅貞繼伯氏次子廷珣爲嗣提攜教養獲登鬢序享年六十有三

丁氏上安生員劉啟璞妻年二十四夫故一子甫四歲氏誓志守節日夜紡織課子成名年七十而卒邑今孫旌其門曰松貞柏操

葉氏劉希敞妻上安人年二十二夫故二子幼家最貧冰

霜自勵辛苦數十年家漸起夫舊時出售田產氏俱贖
回年七十猶勤紡織人稱其有敬姜之風

紀氏生員周亦文妻上方人年十八歸文孝養舅姑年二十九子永臺甫二週文病卒一慟幾絕舅姑相繼歿哀瘁中延堪輿卜葬地厝先靈教子成立閭里咸稱賢節
卒年六十有五

鄭氏上安劉啟瓚妻年二十六夫死父令改嫁氏剪髮誓曰余以二子俱幼故偷息須臾如令再醮是促余死耳父不能奪其志家最窘恃紡織糊口撫孤成立享年八十有二氏叔啟珩夫婦早夭遺孤安世未週歲氏憐其

松陽縣志

卷十

列女

孝節貞烈

十八

無依撫養成人視同己出里族人咸多之

葉氏城南王言妻年二十三夫死一子甫孩氏誓志守節操行潔白課子逢讀書食餼邑庠氏享年七十有五

周氏城東庠生詹起禹妻年二十四生三子夫故家貧甚矢志守節孝敬翁姑紡織撫育言動不苟除日給薪水外猶以紡資延師訓子二子俱登黌序氏之潔清茹苦亦節中之罕覯者現年六十有五

鄭氏城西潘景濤妻年二十三夫死誓志守節生遺腹子承瑄撫養成人瑄患風疾氏冀延一線之脈爲娶包氏孀守四十餘年享壽六十四而卒

厲氏新安朱旭升妻年十五歸朱事朱一十三載育三子
一女皆幼穉而夫歿時年二十七居松之舊市煢煢子
立撫養子女竭力婚嫁孀居四十五載而卒

蔡氏蕭啟濬妻年二十三夫故子元侯僅週歲氏誓守志
撫孤及成人爲娶許氏許最孝氏極憐愛之元侯歲經
商外郡氏與許姑媳相守閉戶紡織雖所親罕見其面
操行潔白享年九十四而卒

葉氏潘元森妻蕭氏潘元聯妻洪氏潘元銓妻俱舊市下
街人皆年少孀守稱一門三節云

洪氏舊市儒童蕭柱廷妻年二十八夫亡守節五十九年

松陽縣志

卷十

列女

孝節貞烈

十九

而卒

張氏界首監生劉秉鎬妻年二十九夫亡守節四十一年
學使吳給匾曰清標彤管

潘氏舊市庠生葉萬挺妻年二十五夫故氏慟不欲生倒
身投井往救氣絕多方灌治始甦翁姑涕泣勸慰並責
以撫孤爲重乃息殉志孀居數十載孝慈兼盡人無問
言迄今書香綿遠蓋天之報其節烈云

吳氏石倉源蔡廷光妻年二十九而寡育一子名桐封甫
四齡恩勤備至督課綦嚴蓋母而兼師者待人御下動
循禮法且能深明大義加惠鄉鄰有女丈夫之風焉

何氏周起豪妻城北人年三十夫故矢志守節勤儉持家
撫二子皆成立壽近古稀學使趙以貞操冰清額其門
邑侯徐以節操冰玉題匾褒之

徐氏程鳳苞妻城西人結褵十載而夫亡年二十九遺一
子猶襁抱堂上又有白髮親氏克孝克慈躬理家政紡
績維勤數十年如一日至其卹親鄰和族黨迄今人猶
頌之邑侯李以柏舟二字作跋獎其節子友濂以監生
考充山東齋奏廳蓋恃母教成立云

盛氏城東廩膳生沈昌繼室年二十七夫故二子俱幼前
室子女亦稚弱氏一慟幾絕翁姑諭曰汝不念二老當
念膝下雛乃勉進食矢志靡他撫前子勝已子苦守三
十年亦孝亦慈喪葬婚嫁經理合則子宗敏遊庠後爲
請旌焉

陶氏界首附貢生劉邦詔側室年二十四夫亡守節三十
五年

毛氏赤岸吳家珠妻年二十七夫亡守節二十三年學使
趙以貞操冰清額褒之

孟氏舊市庠生洪溥側室年二十七夫亡守節三十六年
而卒

劉氏葉川頭庠生葉方登妻年二十四夫亡守節三十年

而卒

孟氏舊市佾生洪茂纛妻年十八于歸二十二而寡遺一子甫四齡堅心苦節孝事舅姑撫子忠訓以義方早遊泮水壽近古稀而終

劉氏舊市洪傳墀妻年十九歸洪二十四夫故因無出撫繼子初若親生延師課讀得賦采芹事孀姑尤盡孝思鄉里皆稱其賢

毛氏張世杰妻年二十五守節治家勤儉井井有條事翁姑孝謹撫三子皆成立閭德爲城鄉所推孫文植文煜蜚聲庠序以訓導選用諸孫濟濟五代同堂壽至八十

松陽縣志

卷十

列女

孝節貞烈

二一

八而終

張氏桐村徐承志妻夫故年甫十九抱尸痛哭飲食不進矢志同穴適懷孕已十月姑知其意左右不離屈旬日生一女仍飲醪而卒與夫合葬焉

吳氏楊烈燦妻年十八夫亡無出恐有奪其志者每萌殉念姑嫜防守甚至不得已強顏進食哀禮兼盡越三月夫塚始封仍即仰藥死

周氏李啟鼎妻年二十七夫故家極貧十指自給嘉慶年間大旱鹽勛值錢八十餘文氏食淡年餘堅心孀守教子成立咸豐二年邑令詳報以匾旌之

葉氏附貢徐起棟妻青年未育勸夫納妾王氏生子友蕃而棟卒嫡庶恩愛同心貞守有族某艷其產謀殞其子王氏竭力保護乃無恙教之讀書得食餼族某故王仍命子撫其孤後亦補廩王先葉逝皆守節數十年

許氏宋企璜妻年十七歸宋伉儷甚篤次年夫得痼疾親侍湯藥三載如一日夫亡無嗣誓以身殉卽飲酖而卒

遂合葬焉

以上舊志

吳氏山下陽儒童張履泰妻年二十一夫亡矢志守節孝事舅姑撫姪爲子視如己出延師督課家政井然享壽五十九歲道光庚寅奉旨給帑建坊並賜松貞柏操

松陽縣志

卷十

列女

孝節貞烈

一一一

玉潔冰清八字現坊在本里張姓祠前

高氏南洲庠生徐殿鰲妻年未三十夫故遺二子茹苦守節教子成名享年六十有九知府趙旌以貞操冰清匾額入祀節孝祠

徐氏南洲庠生葉萬年妻青年夫故守節撫孤平時慈善爲懷凡有義舉靡弗贊助享壽七十有八學政徐旌以節比松筠匾額入祀節孝祠

留氏張裕文妻年二十二夫故守節二十六年壽四十八歲卒

王氏古市孟振鏞妻夫亡守節道光己亥邑令湯景和具

報以松貞柏節旌其廬

潘氏城西葉之馥妻年二十二歲夫故無子遺三女繼姪
爲嗣男婚女嫁心盡力瘁守節四十七年壽六十九歲
彌留時謂其子女曰吾事畢矣汝等勿哀也

毛氏高亭周維烈妻當及笄艾齡賦于歸篇什相敬如賓
時方九載伶仃守節歲三十年影對青鐙心盟白水隆
祭祀以崇報本修墳墓以妥先靈孝翁姑則祈壽無疆
教子姪則義方有訓若茲氏者不惟堅貞足式而且篤
孝可風同治九年邑侯黃兆槐詳請撫憲楊以冰清玉
潔褒之

松陽縣志

卷十

列女

孝節貞烈

一三三

楊氏楊家堂生員宋鳳翔妻年十九歸宋事舅姑甚得婦
道舉三子俱幼而鳳翔攫篤疾彌留時謂氏曰藐茲諸
孤將以累卿其若之何氏泣曰修短命也無成代終義
也設有不諱惟安義命以完夫子之志而已時氏尚未
三十及翔卒柏舟自矢一意撫孤諸子稟承母訓亦皆
卓然自立咸豐戊午粵匪擾境氏携少子避賊山中出
其所積命長次二子謀於眾辦鄉團以禦之三都一帶
得免於難氏與有力焉壽七十五有司上聞旌之曰玉
潔冰清入祀節孝祠

王氏思步蔡大鏡妻年二十四夫故守節堅貞撫孤成立

光緒元年巡撫楊昌濬獎以匾曰節勵冰霜

傅氏下田葉旺堆妻年二十一而寡無子繼姪爲嗣親自鞠育撫之成人知縣徐葆清以冰清玉潔匾獎之

夏氏下田葉旺錫妻年二十六夫故青年守志白水盟心勵節撫孤始終如一知縣何獎以匾曰節勵冰霜

徐氏下田葉旺烈妻夫歿氏年方二十五誓心冰雪比節松筠茹苦含辛訓子成立鄉鄰重之

宋氏呈回湯發旺妻年二十二夫故子幼家業微薄苦守養孤年逾七十知縣楊旌以玉潔冰清匾額

張氏呈回湯景煥妻年二十八夫亡二子甫數齡矢志守

松陽縣志

卷十

列女

孝節貞烈

二四

節上事翁姑下撫諸子年至七十有二知縣某以節操冰霜匾額獎之

蔡氏呈回廩生湯有松妻青年夫故操持家務勵志冰霜教二子俱遊庠壽八十 歲雍正間知縣給匾曰勁節

凌霜

江氏呈回湯永柄妻年二十四夫故子甫二齡家貧守節撫子成人孀居七十餘載

葉氏城北毛峯秀妻年二十九夫故矢志守節撫養二幼子至於成立事聞於巡撫以松筠節操旌之壽六十二而卒

劉氏山下陽張重訓妻二十三歲夫死痛不欲生一再自盡卒獲救守志至七十餘歲人無間言旌表節烈准入節孝祠祀焉

翁氏上院黃紹模妻生一女年二十五夫卒矢志靡他守節六十年壽八十五民國十一年秋奉大總統褒以傳書畫荻歐母之慈訓綦嚴行義旌閭桓寡之恩光疊被等語並題坤貞无吝匾額褒之

潘氏石倉區葉紹銀妻年十九夫亡僅有一女氏爲夫守志貞同金石操凜冰霜浙閩總督李給予松筠竹心匾額以旌表之壽七十二

松陽縣志

卷十

列女

孝節貞烈

二五

潘氏石倉區葉開斐妻青年孀居操行潔白自始至終毫無異志閭里鄉黨俱無間言撫育孤子卓有成立奉旨旌表壽八十一

吳氏大竹溪潘華藻妻年二十八孀寡撫養幼子勵志守節且奉姑甚孝同治癸酉由縣詳報節孝欽褒孺人
閔氏山下陽張朝寶妻二十四歲夫亡子幼操持家務刻苦興家守志二十八年同治癸酉由縣詳准旌表節孝
葉氏山下陽儒童張良瑤妻年二十三夫故無嗣奉翁姑命撫姪爲子氏視如己出延師課讀守志三十一年不出戶庭同治癸酉詳准旌表節孝

邱氏岡後王學仁妻年二十五生二子而夫亡家無餘貲
全賴女工撫養孤兒知縣趙獎以彤管流芳匾額儒學
徐亦以貞松並壽褒之同治間間於朝奉 旨建坊壽
至八十有四

吳氏大竹溪武生王正昌妻年三十夫故泣血撫孤柏舟
自矢朝紡夕織歷盡艱辛同治十二年由邑令詳報欽
褒一片冰心匾額

潘氏大竹溪吳永森妻年二十七夫亡子幼家貧織衽自
給矢志堅貞不易其操上事公姑下撫幼子孝養兼至
名播鄉里光緒時邑令詳報旌表節孝

松陽縣志

卷十

列女

孝節貞烈

二六

徐氏石倉區國學生闕麗泉妻年二十夫亡無子矢志靡
他撫伯氏子振材爲嗣教養成人撫憲楊爲請表旌以
嘉其節

以上二十八名氏舊志已載而無小傳者今由採訪員
詳查而補傳之故仍列於舊志之後其餘查無事實者
仍照舊志大書其姓氏而已

劉氏江增瀚妻 氏葉長齡母 闕氏吳邦中妻

氏葉萬春母 毛氏王學易妻 闕氏馬礪元妻

包氏馬仙桂妻 潘氏葉增枝妻 徐氏葉永菁妻

氏包紹達母 許氏毛羽金妻 氏潘光亮母

陳氏潘玉峰妻 氏潘士奇母 氏潘起誠母

王氏葉如蕙母 氏葉文達母 周氏毛毓靈妻

潘氏葉蘭馥妻 高氏謝國瑞妻 黃氏吳志烈妻

潘氏吳永高妻 丁氏葉陽暢妻 劉氏葉方春妻

謝氏葉方城妻 葉氏包嘉裕妻 吳氏張 妻

王氏施 妻 羅氏施 妻 梁氏包 妻

林氏葉成紅妻 徐氏葉作銘妻 程氏包學堯妻

陶氏許官富妻 陳氏黃石蘭妻 王氏黃中美妻

楊氏翁顯華妻 葉氏翁振聲妻 劉氏黃長溢妻

王氏張鵬飛妻 江氏包顯耀妻 程氏潘學堯妻

松陽縣志

卷十 列女

孝節貞烈

程氏何元河妻 陳氏詹化成妻 沈氏蔡懋松妻

包氏葉敬勝妻 張氏葉茂暢妻 徐氏葉萬新妻

孟氏葉永芬妻 蔡氏潘承顏妻 葉氏潘起東妻

楊氏葉題桐妻 黃氏葉泮榮妻 黃氏葉盛燧妻

王氏丁萬成妻 王氏張元福妻 黃氏潘景鏡妻

鄭氏丁家麟妻 張氏洪 寶妻 黃氏姜繼杰妻

王氏修繼信妻 潘氏包人斗妻 潘氏包士華妻

葉氏包士廷妻 包氏葉紹舟妻 葉氏李國璋妻

程氏徐懷智妻 王氏葉滋生妻 王氏葉樹蒸妻

陳氏高培藩妻 范氏葉長春妻 吳氏王顯明妻

鄭氏詹汝榕妻 劉氏詹汝楫妻 王氏包文炳妻

徐氏毛履福妻 吳氏潘永豪妻 蕭氏程順起妻

葉氏沈開榜妻 王氏蔡大進妻 張氏湯炳川妻

吳氏葉榮春妻 劉氏毛榮松妻 魏氏葉國璠妻

以上舊志

劉氏陳承魁妻年三十夫亡三子俱幼家貧斷炊乏食屢

瀕於危或勸改適氏不從氏父劉石照年八十喪子無

依氏迎養於家喪葬皆以身任之道光間教授李遇孫

匾以勤孝完貞子文潮增生文元歲貢生氏年六十卒

府志

松陽縣志

卷十 列女

孝節貞烈

二八

魏氏儒童葉國正妻年二十三夫亡撫孤守志卒年七十

二府志

黃氏監生潘炳謙妻年二十七夫亡矢志撫孤迎養老父

喪葬盡禮守節三十年子有瀾為諸生府志

徐氏城東儒童潘光武妻年二十八夫故一子甫三齡氏

守節四十六年壽至七十四歲知縣劉國齡以該氏青

年守志白首完貞據實上聞奉准入祠節孝祠並建坊

以潘氏家祠前以旌表之舊志漏載補傳於此

以上四名氏查照府志補入

以下新增

王氏大竹溪徐宗儒妻素姿幽靜秉性溫柔又能曲體翁姑之心承順色笑一日姑病百醫不瘳氏乃禱告天地割股調湯以進姑病立愈人皆以孝婦目之

鍾氏城東下馬街吳廷珠妻姑有病侍奉湯藥夜不解衣
者三閱月焚香籲天願者以身代姑遂獲痊鄉里以孝稱
民國七年錢知事以孝思不匱匾額旌之

鄭氏佳溪張家運妻性孝順運有老母病卧在床勢已奄奄氏親侍湯藥弗稍離時洪楊兵至土匪蜂起運入山結茆將以迎母留氏在家伺母病匪突至擁入家搜索殆遍無所得厲聲曰若取金來可免死氏哀求匪怒擲

松陽縣志

卷十

列女

孝節貞烈

二九

其姑於地欲砍之氏以身衛姑匪砍氏背血流被體痛極而暈踰時方甦姑竟遇害事在咸豐八年也後氏年登大耋述及往事輒涕泗交流自咎侍奉無狀猶惘然有餘痛焉

周氏古市汪濤妻縣議會副議長周士元胞妹自幼讀書及長展足習勤爲女界倡適濤後事夫以敬奉翁姑尤極孝謹當清末葉濤自陸軍大學畢業因謀改革國體事發被逮坐監數年人恒爲氏憂氏曰此丈夫爲國事也夫果死國正當含笑地下何憂爲泊民國奠定釋歸甫兩月又治裝行氏不惟不露惜別意且曰丈夫志在

四方今大功告成正氏夫爲國効勞日安能鬱鬱久居鄉里乎殊濤去後信息杳然已閱十載氏以婦職兼修子儀里人嘉其行而贈之曰白髮高堂無間晨昏問寢青春逝水不悔夫婿封侯

孝婦賢妻

林氏包村周春芳妻盛年夫故事姑先意承志奉養服勞四十餘年如一日姑年逾八旬病瘋兼瞶七年不痊氏破產調治姑不能行每日親抱出房爲理盥櫛或夜不成寐雖嚴寒必起視寢進茗醴或果餌以娛之里人咸稱爲孝婦云

高氏小槎劉德剛妻性至孝善事姑姑張氏年老多病食

松陽縣志

卷十

列女

孝節貞烈

三十

不下咽氏以己乳乳之而以其子托人飼養姑病因而得愈壽至八十餘夫亦中年逝世氏訓子有方治家嚴謹性尤慈善凡有善舉靡弗捐助現年五十四鄉里稱

賢孝焉

以上孝婦

劉氏小槎劉榮泰女天性純孝自以母死父老奉侍無人矢志不嫁藉女紅以供甘旨父年九十有六女年亦古稀知府趙亮熙賜以鳩杖並以期頤篤祐匾額旌之葉氏大塔頭增生葉肇芬次女也母死父老兩兄繼逝守貞事父女代子職勸父繼娶竟生一子以續裡祀父壽終助繼母撫養弱弟勤儉操勞置產造屋家道小康現

年五十四鄉里咸稱爲孝女云 以上孝女

梁氏監生葉成發妻年二十六夫故守節五十七年享壽八十三歲知府修仁詳文有云念姑老而疾忍死相依憐子幼而多含哀守制實爲孝義兼全洵屬阨窮可憫等語旋奉部題給銀建坊旌表如例

葉氏呈回湯永鰲妻年二十六夫病歿親老子幼茹苦含辛孝養翁姑以婦道而兼子職教育孤幼本母慈以作父嚴享壽七十有八事聞於朝建坊旌表

葉氏呈回湯景新妻年三十夫歿遺一子二女青年守節侍奉翁姑婚嫁子女壽至七旬

松陽縣志

卷十

列女

孝節貞烈

三二

葉氏坑根潘周隆妻年三十夫故未育矢不二志繼夫兄長次兩房各一子爲嗣與其仲姒李氏亦盛年寡守者同心孝養九十八歲之姑勵操三十餘年堪稱節孝雙輝

李氏白沙岡章養華妻年二十八夫故無子孝事舅姑冰霜自勵苦守三十餘年現壽七十

林氏大竹溪徐承宗妻年三十夫亡志勵冰霜堅貞自矢孝公姑勤紡織守節四十餘年壽至七十四而卒

熊氏大竹溪潘開元妻年三十孀寡善事舅姑和睦妯娌勤儉教養艱苦備嘗現年七十子孫繞膝

江氏石倉區國學生闕麗鶴妻年三十夫故僅有一女柏舟自矢事姑盡孝撫育繼子兆麟恩勤備至延師課讀俾得遊庠食餼奉浙閩總督何撫憲陳學政張准請旌表以光其節享壽六十而卒

吳氏大竹溪王顯明妻年十八夫卒孀居守志操勵冰霜雖家無擔石猶能善事舅姑勤紡織以養幼子同治十二年縣令詳報欽旌節孝

程氏寺嶺下徐懷義妻義好學不倦積勞病故氏年二十六矢志守節事姑以孝教子有方咸豐三年邑侯詳請彙奏欽准建坊

松陽縣志

卷十

列女

孝節貞烈

三三一

李氏楓坪葉逢源妻年二十二夫故長子五歲次三歲矢志不二事翁姑以孝敬撫孤兒以嚴慈現年六十有八吳氏大邱下金達蘭妻育子二年二十四蘭爲髮匪所殺氏呼天搶地欲以死殉翁姑及親戚再三勸慰始稍節哀矢志孀守孝養翁姑撫孤兒成立縣令詳請浙撫以柏舟雅操額其閭壽八十四

程氏山甫徐成龍妻年二十三夫故子一纔二齡汎舟誓志孝翁姑撫孤兒效歐母畫荻訓子遺事有玉巖侑生葉延華贈以心嚴冰雪在瑤池夜分燈紅爲課兒之句後子遵母訓弱冠游郡庠嘉慶二十四年爲母請旨建

坊守節六十餘年壽八十有五

徐氏玉巖楊鼎甲妻年二十二夫故二子俱幼上孝舅姑下撫孤子交盡其道嘉慶二十四年邑侯劉以節孝二字旌之道光二十五年邑侯湯贈詩有云郝鍾遺範擬珩璜本里舉人楊孫芝亦贈以貞心皎潔映瑤池之句蓋紀實也

徐氏大嶺腳葉增誥妻年二十四夫故乏嗣矢志柏舟孝敬翁姑撫繼子起銓如己出光緒九年慨捐田租拾擔撥歸貞文祠邑宰皮公詳准撫道入祠附祀以冰清玉潔旌之卒年八十有一其媳楊氏卽起銓妻年二十二

松陽縣志

卷十

列女

孝節貞烈

三三

亦夫故乏嗣勵節孀守與姑相依其樂善好施仍有故風民國八年捐助玉巖保嬰局租叁擔邑宰錢公以柏舟勁節表其廬現年七十人咸稱一門雙節云

翁氏高亭周陽泰妻泰弟石基妻李氏娣姒二人其夫同月病故同日殯葬翁李二氏茹茶飲檠苦守共勵奉翁姑撫孤兒俱以孝慈稱同治四年邑令徐詳請褒獎以志貞松柏風範柏舟旌其門恩貢生徐應龍悲其志作雙節詩以表之

毛氏玉巖職員徐應清妻歸徐未育年三十夫故矢不二志孝以養姑繼姪爲嗣壽六十四而卒

周氏楓坪監生葉逢楠妻夫患痼疾氏侍湯藥無倦年二十七夫故僅遺一女氏慟不欲生投水以殉幸族戚救甦勉以百行孝爲先翁姑年邁宜事女幼宜撫死節易當爲其難者汝夫雖死亦瞑目矣自是養老字孤鄉鄰交譽守節閱三十年

吳氏玉巖葉瑞芹妻年二十六夫故長子甫五歲次尙在娠氏誓志靡他事翁姑盡禮撫孤子成立孫曾繞膝壽八十二而終

吳氏大嶺腳葉起淦妻年二十七夫故長子六齡次子三齡勵志守節孝事翁姑撫孤成立現年六十有三

松陽縣志

卷十

列女

孝節貞烈

三四

周氏何莊葉陳森妻止育女一夫患心疾氏侍湯藥數年無怠年二十七夫故矢志無他事姑以孝撫姪爲嗣守節四十年壽至古稀

葉氏白蔴山鍾光德妻年二十七夫故女甫四歲子尙在腹氏勵節不渝孝事翁姑撫子女成立孫曾濟濟盛稱一時壽七十六而終

黃氏南州羅國理妻年十七歸羅未三載而夫病不起氏痛不欲生旋念上有邁姑下有幼子甘忍死於須臾期盡心於事畜守節近三十年而卒鄉里欽其孝義爲請於有司而旌表焉

季氏雅山劉增嵩妻識文字長珠算繪圖之學年二十四歸劉越四年舉一子未幾夫死欲以身殉翁諭之曰死節易撫孤難汝勉其難乃所以報夫也氏飲泣受命自是事翁姑益加孝謹守志四十年不渝享壽七十有二奉 旨旌表節孝子可培歲貢生爲邑名士孫亦秀出等夷能讀父書論者咸謂季氏苦節所致云

楊氏山下陽張朝斌妻年二十五夫亡矢志守節孝事舅姑躬親田事不畏勞苦守志三十六年同治癸酉詳報旌表節孝

黃氏城南庠生潘景銑妻知書識字年三十夫亡姑老子

松陽縣志

卷十

列女

孝節貞烈

三五

四善事高堂婦兼子職教養諸孤母作師資壽八十五而卒事聞於上旌以孝慈可風匾額

賢母

孟氏大塔頭郡庠生葉思明繼室初適明前妻子甫七歲氏悉心撫養一如己出後生子二女二而夫病故氏年方二十七以養以教至於成人長子秀芬次子秀芳同科入泮後姑病中風氏侍湯藥不解帶者十餘日其孝可知現奉 大總統給予節勵松筠匾額年六十有七張氏大塔頭國學生葉成楚妻知書識字舉止端莊適葉門結褵四載夫亡姑媳兩孀強顏相 氏生遺腹子名桐知事姑撫孤教養成入光緒中葉奉 旨准建坊入

節孝祠趙太守以心澂冰雪匾額旌之民國六年部給銀章白綬褒題節勵松筠今其子桐知爲省議會議員孫秀松爲縣出納員秀桂爲縣議會議長秀芝爲習藝所所長氏現年八十有一

何氏大塔頭庠生葉肇芳妻生一子夫病篤氏年甫二十洪楊兵至舉家遠竄翁勸氏行氏戀戀不捨誓以死事夫雖礮聲震天侍夫側如未聞幸兵過無恙六月夫亡撫孤事姑備嘗辛苦子桐圭入邑庠氏壽七十有九

良妻

葉氏毛源徐元智妻生三子均幼殤元智因痛子致病而歿氏時年二十八敬事邁姑撫育幼女守節至八十五

松陽縣志

卷十

列女

孝節貞烈

三六

歲有司聞於朝入節孝祠表曰節孝堪風

張氏石倉區闕起祥妻年二十夫亡僅有一女冰操自勵誓志守節撫伯氏次子吉行爲嗣奉事舅姑閭里咸稱其孝焉享壽六十五歲而卒

張氏石倉區闕玉珠妻年十八于歸時珠已染重恙氏晨夕侍奉衣不解帶閱七十日而夫亡氏慟不欲生姑勸之曰汝夫兄弟俱亡僅遺伯氏一子年尚幼汝若殉節予將何賴氏敬聽姑言節哀守志三十七年孝慈並盡勤紡績以撫孤姪潔清茹苦堪比冰玉誠節中之罕覯者

葉氏大邱下金達芬妻年二十夫故女甫二齡舉遺腹子
增祥矢志守節孝翁姑和妯娌撫孤兒里黨重之邑尊
劉嘉其操詳請道撫旌其閭曰冰清玉潔現壽八十有
二其媳王氏卽增祥妻年二十七亦痛失所天三子俱
幼柏舟自誓與姑形影相依截髮丸熊撫孤成立現年
六十有二人稱一門雙節云

劉氏玉巖徐定保妻年二十四夫亡子光長甫二歲上有
翁姑在堂下有幼子在抱氏涕泣撫育孝事翁姑鄉里
咸嘉其節壽七十四歲

陳氏桐廊麻廷颺妻年二十三夫歿氏欲以身殉翁姑泣

松陽縣志

卷十

列女

孝節貞烈

三七

謂曰亡兒棄我而去爾能撫孤成立方慰我心氏聞言
立志守節不辭痛苦卒撫孤子長成現年五十有三

林氏大石文童頂聯芳妻年二十八芳歿矢志孀守上孝
翁姑下撫子女其姑病篤垂絕者凡七晝夜氏奉侍無
倦迄以勤勞過度年五十二而終

劉氏城西許爲枋妻枋素有病氏年十九于歸侍奉湯藥
六閱月夫亡痛不欲生族人議爲立嗣氏念先人血食
攸關義不忍死立志撫養嗣子年六十二而卒趙太守
獎以彤管清芬匾額復奉大部准予建坊

王氏城東蔡廉妻年二十四夫故撫養幼子至於成立守

節三十餘年府憲趙以心激冰雪匾額旌之

吳氏城西葉春庭妻年二十三夫亡立志守節柏舟自勵
含辛茹苦凡三十年撫育二子至於成立長知時次知
潤皆青年入泮光緒己卯學政黃會同督撫題請旌表
奉 旨准予建坊

王氏城東蔡夢梧妻育一男一女年二十六夫病卒柏舟
矢志凜若冰霜親屬呈請旌表奉准入節孝祠

項氏城西張文煌妻年二十九夫亡柏舟矢志刻苦自勵
勤事紡績教養二子守節四十餘載張學憲以彤管流
芳匾額褒之壽至八十而終

松陽縣志

卷十

列女

孝節貞烈

三八

程氏城東國學生詹起錦妻育四子二女年未三十夫故
矢志苦守儉勤操作撫育子女教養成人孫曾繞膝一
門和樂雍雍如也壽至七十有八光緒乙酉由縣詳報
學憲以彤管流芬四子_字褒之復奉撫憲旌以節凜冰霜

匾額

葉氏城西潘益忠妻大塔頭廩生葉瓊林女也幼承父訓
識字知書年十六歸潘結褵四載益忠病瘵死氏守節
撫孤至於成立其子芳蘭亦能先意承志善事寡母鄉
黨稱孝焉歿氏年六十有二光緒庚子援例請旌奉
旨建坊並奉趙太守錫以松貞柏節匾額

翁氏武生潘兆熊妻年二十歸潘未育子嗣逾年夫故欲
以身殉因姑老無人侍奉立志守節光緒二十六年由
省采訪局彙報撫憲獎以節勵松筠匾額壽至六十餘
程氏城東何其釗妻年二十遭兵燹之災夫故子幼門戶
凋零忍飢耐寒困苦萬狀勤儉操作撫養幼子至於成
人享壽七十有八歲貢生包世清等稟請詳報奉准以
節凜冰霜褒之

王氏劉昌桔妻年十六適桔連育二子二十三歲夫亡誓
志守節勤儉教養丸熊畫荻備歷艱辛府縣得其情詳
請表揚奉 旨欽褒節孝准予建坊壽至八十九而終

松陽縣志

卷十

列女

孝節貞烈

三九

闕氏城西太平坊吳世章妻年二十一夫故志節堅貞孀
居五十二歲而卒庠生闕聚華等呈報奉准以貞松節
柏匾額旌之

張氏城南葉樹榕妻年二十九夫病故守節至六十八歲
事聞於上張學憲以徽揚彤史旌之並准入節孝祠以
彰其節

葉氏城東國學生潘學綜妻年二十九夫故矢志柏舟始
終不渝享壽六十有八民國八年奉 大總統褒以課
荻傳瀧岡阡表有子成名捐金造洛陽橋工在民遺愛
如此行誼宜予褒揚等語並題坤貞無吝四字獎之

湯氏山下陽邑庠生張廷尉妻年二十八夫因訟累冤死
氏痛不欲生苟延殘喘力雪大冤守志四十餘年內外
無間浙江採訪局查報獎以彤管揚耀匾額

包氏國學生蔡毓麟妻年二十六夫亡無子苦志孀守孝
事翁姑撫姪夢芝爲嗣教養兼施至於成名壽至八旬
詹氏城南潘思清繼室育二子年三十夫故柏舟自矢長
子出繼次子尙幼撫養成人守節三十餘載享壽六十
有三

王氏城西太平坊葉嘉善妻年二十三夫故僅遺二幼女
家貧紛績以資撫養孀守五十二歲而卒

松陽縣志

卷十

列女

孝節貞烈

四十

程氏城西鄭高富妻育一男一女年二十八夫故痛不欲
生回念子女尙幼矢志守節盡心撫養未幾子又病卒
撫姪爲嗣享壽八十有五

吳氏潘起偉妻年三十夫故操勵柏舟勤紡績以養幼子
刻苦扶持至於成立享壽七十有五

葉氏項弄邱桂起妻年二十一夫故遺一子方周歲家貧
苦守撫孤長成現年六十有六

郭氏城北仁壽坊毛成雲妻年二十七夫亡矢志孀守現
年五十有七

劉氏城北仁壽坊毛羽澄妻年二十一夫故矢志守節現

年五十有五

葉氏城西儒行坊徐益深妻年二十九夫故事姑育孤克守苦節子長成讀書入泮現年八十孫曾繞膝

吳氏城北許士元妻年二十八夫故遺二子二女家貧無以爲生母令改志不從終身亦不歸甯日夜紡績以養子女今則男有室女有家而氏年六十有二矣城區自治委員潘淮呈報縣知事詳請 大總統旌表獎勵節勵松筠以彰其德 母賢

劉氏十五里徐炳耀妻年二十夫亡撫養幼子苦志守節壽八十餘

松陽縣志

卷十 列女

孝節貞烈

四一

徐氏城北庠生葉敦倫妻青年夫故僅遺一子名慶瀾氏教養兼施已入邑庠忽咯血身亡氏卽仰藥死趙太守詳報大憲獎以節烈可風匾式其媳黃氏卽慶瀾妻年二十八守寡家貧無子荆釵裙布茹苦含辛不改其節現年已六旬姑媳雙節人稱其難

王氏山下陽張朝齡妻二十三歲夫亡親老子幼守志三十六年家貧食力白首無玷同治癸酉由縣詳准旌表

節孝

吳氏葉榮春妻年三十夫故立志守節刻苦自勵凜凜冰霜始終如一年逾古稀同治癸酉由縣詳請彙奏旌表

節孝

葉氏五都李國煒妻年二十九夫死守節二十四年同治二年邑令詳報准入節孝祠

林氏大塔頭葉萬紅妻年二十五夫亡一子二女皆幼矢志苦守以養以教後子召棠入邑庠精岐黃光緒初年支邑侯爲氏詳請旌表壽七十一而終

王氏山下陽張廷梧妻年三十夫亡夫兄夫嫂相繼逝一子兩姪俱幼氏茹苦含辛善撫子姪迨姪授室始各分爨浙江採訪局查報以彤管揚輝匾額

曹氏山下陽張廷燮副室年三十夫故無嗣悲慟幾絕親

松陽縣志

卷十

列女

孝節貞烈

四二一

鄰以氏有孕力勸節哀後產一子撫養成人守志五十六年人無間言

楊氏佳溪劉厚精妻年二十二于歸厚精家故貧習商終歲在外家中仰事俯畜皆氏一身任之未兩年而厚精卒生遺腹子福壽撫養已應童子試矣遽以病歿嗣嫡侄福昌爲後民國二年士紳劉德元等呈請縣知事胡申詳民政長朱其廬曰貞節

周氏犁埠坑國學生吳家彥妻嫁甫二年僅育一女夫卽棄養氏誓死靡他迨女出嫁氏竟以幽寂傷悶死都人士咸欽其節而憫其志云

沈氏城東蔡沛澤妻年十七歸蔡至二十四生一子越二年而夫歿氏痛不欲生旋念姑老子幼若以身殉事畜更有何人由是矢志守節同治間知縣徐葆清以聞於朝入祀節孝祠並以心與松貞匾旌之

宋氏城東潘思忠妻年十九而寡遺一子甫半月孀居守節刻苦撫孤民國肇興知事錢爲其請獎褒以節勵松筠並白綬銀質徽章

何氏城東潘思孝妻年二十三夫歿氏欲以身殉家人一再勸止不得行其志未及半年鬱鬱而歿

徐氏城西吳忠齡妻年二十六夫故無子繼姪爲嗣辛勤

松陽縣志

卷十

列女

孝節貞烈

四三

度日慈惠撫孤守節三十四年壽至五十九歲

蔡氏城西徐學庸妻年三十夫故先生三子四子猶在孕家計維艱賴伯氏時加存卹遂矢志撫孤均得成立守節五十年壽至七十九歲

潘氏城東庠生徐承豪妻年十九夫故越半月生一遺腹子以養以教至於成立守節三十餘年知縣錢以聞給以節勵松筠匾額並白綬銀質徽章

葉氏溪口周楊林妻盛年夫故子二俱幼家無擔石僅破屋數椽鄰媪屢勸其適人氏曰夫亡遺有兩孤豈圖温飽而生異心乎矢志不改守節四十八年而終

葉氏玉巖林繼承妻年十九夫故無子女鄰婦勸其適人
庶免青年寂寞况汝家雖有薄田三四畝安能保無飢
寒乎氏對曰薄命人應如斯耳堅志不從由是益勵冰
霜紡績度日撫姪世春爲嗣教養成人苦節三十餘年
里鄙賢之

鄒氏芳溪劉彩平妻生子不育年二十五夫卒家暴貧父
母戚族咸以氏年少令再適不從誓以身殉夫兄劉彩
文嘉其志年給田租入石以贍之氏撫一女勤儉矢志
里鄙交稱現年六十有二士紳曾詳叙事實呈請援例
褒獎

松陽縣志

卷十

列女

孝節貞烈

四四

鄭氏下源口庠生劉彩麟妻年三十夫亡家貧無子刻苦
度日節操冰清不改其志現年六十有四

林氏溪下陳蘭壽妻年二十三夫亡遺子一立志撫孤治
家勤儉養子成人守節五十餘年現壽七十有四

毛氏大南坑謝家耀妻年二十六夫故幾不欲生轉念殉
夫非難守節爲難忍痛節哀姑留此身爲夫喪葬祭祀
計現年六十有二

孟氏古市潘益炳妻年三十炳死遺子四齒俱稚含辛茹
苦撫養成人長春年民國二年充古市鄉議員旋長鄉
農會其餘諸子亦均克自樹立守節四十餘年現壽七

十有六

洪氏齋壇許爲標妻年二十夫故撫一子一女辛苦備嘗
壽至七十一而終

李氏高岸貽封昭武都尉何登勳妻年二十九其夫棄世
卽屏簪珥勤操作上事翁姑以孝敬下訓子女無怠荒
現壽六十

劉氏黃游黃永譜妻年十九歸譜不旬月譜以暴病亡氏
念我姑以養成遺腹子娶予今予殆與姑同病乎不然
何天奪予夫之速也遂柏舟自誓以示靡他未幾果產
一子含茶茹檠與姑共同撫育以續夫後現年八旬

松陽縣志

卷十

列女

孝節貞烈

四五

周氏古市葉怡堂妻年二十六夫亡勵志守節撫育孤兒
以期成立不謂兒又不祿祇遺孫一殊孫復夭折氏撫
孤兩代卒歸無成其志貞其節亦良苦矣現年七十有
二

孟氏古市文童葉克進妻育子女各一年二十七克進病
故氏矢志撫孤教養兼施子夢周曾畢業處州中學惜
以療疾亡祇遺生甫四月之孫一未幾而媳又亡氏遭
此雪上加霜不得不以撫子之心易而撫孫孀守一生
撫孤兩代現年六十有一民國十一年邑令呂詳請援
例獎旌奉 大總統題褒節勵松筠四字並給白綬銀

質褒章以嘉其志

葉氏上安劉國垓妻年二十四守寡苦節四十餘年光緒庚子由縣詳報閩浙總督許浙江巡撫余學政文會奏旌表建坊欽褒節孝

李氏溪下塘頭劉應榴妻夫逝孀居光緒二十九年處州知府趙亮熙獎贈雪潔冰清匾額

孟氏古市國學生葉永芬妻未育子嗣年二十九夫故氏念未能爲天延一綫痛徹五內誓欲相從地下翁姑慰之謂汝夫係大宗奚患無嗣逾年夫弟永燦長子葆銘生卽繼爲後氏教養兼施爲邑中知名士氏享年五十

松陽縣志

卷十

列女

孝節貞烈

四六

四而終光緒四年邑令朱獎額永矢柏舟並爲詳報奉旨建坊

周氏千義坑庠生劉世瑞妻其媳潘氏儒童劉日昌妻均青年守節奉旨欽褒曰姑媳雙節

李氏半古月林友魁妻盛年夫故時子纔三齡上無翁姑形單影隻家徒四壁矢志苦守撫孤成立清季士紳葉高崧等聯請褒獎提學使支旌其閭曰巾幗完人

劉氏洋莊源王安舜妻年二十二夫故遺孤子二長二歲次初生氏守志撫孤均臻成立孫曾蔚起膝繞階森現年六十有三

洪氏外孟儒童孟雨若妻年二十二夫故子一方週歲又
生遺腹女氏孝事舅姑守節撫孤里人爲之歌曰遺腹
女兒週歲子呱呱懷中泣不已無朝無幕善撫持翁姑
見之心且喜子道宗入邑庠氏壽逾古稀而卒

何氏金塢孟獻地妻育三子一女年二十八西匪入境家
遭兵燹夫以憂死氏含荼茹蘖立志孀守撫子女成立
壽八十二而卒

吳氏黃圩黃朝熊妻年二十七熊卒上有老姑下有幼子
氏痛失所天欲自盡者再均爲鄰右所勸阻並經其姑
勉以撫孤爲重乃已惟家赤貧憑十指以資事畜而皇

松陽縣志

卷十

列女

孝節貞烈

四七

天不負子迄成人壽六十五而終

王氏古市葉偉楠妻舉子女各一年三十而寡家產素微
及楠歿貧苦益甚氏守節撫孤攜子女依夫兄伯氏家
爲人浣洗度日有勸以他適者氏矢志靡他時當洪楊
亂後米珠薪桂口食每致不給甚至購米皮糠麩爲佐
族中有憐而飯之氏視苦如飴了無悔意後女嫁男婚
家道亦成壽七十三而終

賢母

包氏石倉區葉紹周妻年二十夫亡柏舟誓志理家教子
畫荻傳經有敬姜歐母風總督李巡撫楊學政胡給予
匾額以褒揚之壽七十餘

賢母

潘氏石倉區包人麟妻年二十五夫亡操比冰霜誓不再
醮茹荼飲蘖孤苦自甘撫伯氏子立榜爲嗣教養備至
壽七十餘

邱氏石倉區闕玉熹妻年二十夫亡子三歲女在孕守志
撫孤孀居四十餘載人無異言府憲趙亮熙給予貞操
冰清匾額以表揚之

潘氏石倉區包人芳妻年二十五夫卒矢志守節終身不
改獨居閨房雖至親亦罕識其面奉旨旌表以褒其節
潘氏石倉區闕起吉妻年二十一夫亡無子冰雪其操誓
不再醮閉戶紡績足跡不踰閫已由縣知事詳請 大

松陽縣志

卷十

列女

孝節貞烈

四八

總統褒題以旌其節

葉氏東圩陳義昌妻年二十一夫故矢志守節現已五十
有六矣

黃氏赤岸吳朝品妻年二十一而寡一子甫四歲家無甌
石以澣衣爲生活刻苦自勵憑著十指卒能養子娶媳
以成家道現年六十有五里人共稱爲苦節云

林氏擇子山楊桂彩妻彩病嘔血綿延數載氏日夜服侍
無懈怠彩病益篤當彌留時語婦但有幼子不得教養
含悲地下爲至痛氏泣任之彩死後氏青年守節治家
教子有孟母風現年六十

良妻賢母

毛氏古市貢生劉德誠妻年十九歸劉三十劉故家徒四壁古井青燈撫孤教子垂五十餘載壽八十而終

林氏橫溪溫孔添妻年二十三守寡家赤貧紡織縫紉度日享壽六十五竟以冰清玉潔終其身焉

葉氏古市程廷珩妻年十九因夫抱病過門奉侍湯藥次年夫病卒氏痛失所天又乏似續每欲以身殉經姑再三勸慰始已爰商於姑邀請族戚嗣夫弟廷球子傳馨爲後矢志撫養教導成人孫子繩繩家道寢盛壽六十八而終

王氏東閣貢生賴廷球妻青年守節撫養子女成人光緒

松陽縣志

卷十

列女

孝節貞烈

四九

十八年詳報奉 旨建坊准入節孝祠

羅氏古市國學生葉薦薌繼妻育三子撫養前室子玉堂如已出夫故後守節三十三年教子玉堂入庠已出諸子亦均成名壽七十四而終光緒六年浙江學政張獎

給節勵冰清匾額以旌其閭

賢母

劉氏黃圩黃永鏞妻年三十夫亡時子甫三齡立志堅貞克守寒門朝夕紡績以維生計卒能訓子成人壽六十餘而終

葉氏上河庠生紀鳳書妻年二十夫故子方二齡家無斗筲刻苦撫養娶媳生孫成立家業壽七十九而卒

葉氏佳溪洪家惠妻年二十九而寡矢志孀守撫育子女
惜子歿殤祇遺一女立夫兄子爲嗣現年踰七十

潘氏古市庠生張錫光妻年二十三光以病亡遺二子俱

幼氏含辛茹苦撫養成人現年六十有一

葉氏古市黃德銘妻銘罹異疾纏綿三載氏侍湯藥艱苦
備嘗迄罔效時氏年二十六三子俱幼矢志撫孤教養

垂三十稔均克成立現年五十有六

良妻

葉氏古市張祖業妻年二十七業亡子女俱幼飲冰茹蘗
矢志撫孤均臻成立現已年近花甲

翁氏黃淤文童黃志芳妻年三十芳故家纂貧子女俱幼

松陽縣志

卷十

列女

孝節貞烈

五十

上有老姑劉氏一門雙寡聞者心酸氏矢志事姑撫育
子女教導成人苦節歷二十餘年不謂姑逝子又不祿
復與媳含辛飲蘗共養孤孫現壽七十有八

劉氏古市黃元麟妻年十九歸黃逾年夫逝痛不欲生繼
念腹中一塊肉幸而男尚可續夫後勉抑哀思後果育
男不謂撫養纔十齡又天氏以希望絕欲自盡者屢經
姑勉以大義嗣姪德剛承祧教養成人光緒間入邑庠
現氏年七十

潘氏古市汪關土妻年二十四夫逝二子俱幼氏懷抱提
攜日夜號泣及長教訓有方卒逮成人至今孫子滿膝

家道日昌現年五十有五

毛氏徐鄭周良樹妻年三十夫亡二子尚幼家貧屢空日夜織履督子負薪歷盡艱苦志不少挫現二子均勤儉成家克慰母願現年六十有六

李氏黃圩黃德昭妻年二十二夫逝無子矢志孀守孝事老姑茲氏年將六旬已託族長爲夫立後繼續矣

楊氏黃圩黃志銘妻鸞鏡早分堪嗟青年失偶兩孤誰託姑存薄命未亡矢志撫養成臻成立一入國學一入邑庠壽至八旬次媳楊氏生三子年三十而寡亦能如姑共砥貞節撫孤長成現年已逾六旬一門雙節里黨稱

松陽縣志

卷十

列女

孝節貞烈

五一

之

周氏徐鄭劉學禮妻盛年夫死勵志守寡事翁姑以孝處妯娌以和主持家政井然有序現壽五十有九

蕭氏橫溪溫培瑩妻年二十六夫死子亦相繼逝家乏恒產氏能勵志苦守日則督工種田禾夜則焚膏勤治麻績數十年來蓄有巨貲置立產業爲夫善後以保裡祀現年六十有五

詹氏古市胡維榮妻年三十夫亡子二長九歲次四歲茹苦含辛矢志孀守無養成立現年近七旬守節三十餘年間里咸以苦節稱之

潘氏東圩櫟陳方能妻年三十夫見背子女俱幼家產無多矢志靡他身任教養晝則縫紉夜則緝纊刻苦守節二十九年撫子成人現氏年五十九鄉里咸稱有畫荻

遺風云

賢母

王氏古市國學生陳步雲妻生子五女二年三十夫故家貧子幼矢志撫孤守節垂三十稔辛勤教養五子業儒業商均各成立鄉里咸以氏爲訓子有方云

賢母

潘氏徐山葉榮貴妻年二十八夫故撫養子女勤儉治家增置產業孀守二十三年冰霜共勵人敬仰之

孟氏太平山黃炳海妻夫歿矢志柏舟光緒庚子處州知

松陽縣志

卷十

列女

孝節貞烈

五二一

府趙亮熙以節勵松筠匾額獎之

毛氏外孟孟知文妻夫故孀守康熙丁卯處州知府竇日嚴獎贈賢節攸隆志勵松筠以額之

程氏古市庠生葉玉堂妻年二十七夫亡祇遺一子堅志守節壹意撫孤光緒初邑令儲詳請獎以永矢柏舟無何孤子又歿繼夫弟第四子享敏爲嗣教養成立奉旨旌表節孝建坊壽七十有一

洪氏五木葉振霖妻年三十夫故無嗣僅育二女形影相弔苦守青鐙終年足不踰闕非至戚罕識其面現年七十有七

毛氏大竹溪羅金水妻素性貞靜年十七夫亡無子苦志守節慈養孤姪以存禋祀郡守趙聞之匾其堂曰履潔懷清年五十而卒

周氏大竹溪庠生徐宗德妻教諭周湛之女年二十夫亡誓志守節族中有謂婦曰家寒子幼事難苦守氏正色言曰吾嘗聞父訓忠臣不事二主賢女不配二夫族人駭然而退苦守三十餘載年五十八而卒

吳氏大竹溪潘學智妻年二十一夫逝心同冰雪操比柏舟念有一子欲撫長大以續夫祀惜子又夭折終身何賴決計自盡幸親戚勸阻抱養義孫並繼侄孫共同教

松陽縣志

卷十

列女

孝節貞烈

五三

養卒至成家而續禋祀府憲趙聞其賢節贈以匾額曰貞松介石旋復奉旨褒獎准予建坊

陳氏大竹溪徐如科妻年二十八夫卒矢志孀居朝紡夜績撫養子女以至成人守節五十三年壽至八十一而終

周氏大竹溪徐文俊妻年二十八夫亡伯氏以其家計窮乏迫令再嫁婦曰只可餓死不可失節遂抱二子一女乞食父家父嘉其志而調劑之自是一意撫養閱三十餘年男婚女嫁卒成家道

包氏大竹溪武生王樹槐妻年二十四夫逝矢志守節抱

養幼孩勤理家政辛苦備嘗現年五十五歲白璧無瑕
鄉黨宗族咸稱道之

葉氏排居口何柏盛妻年十八夫故遺子在腹翁姑又早
世柏舟自誓撫子成立守苦節六十餘年壽八十四而
卒其妯娌葉氏何柏松妻年二十九夫故長子九歲次
五歲亦能矢志撫孤孫枝競秀卒年七十二一門雙節
里黨艷稱

張氏石倉區闕玉麟妻年二十四夫被髮匪擄去莫知所
之長子甫三歲次子尚在孕氏矢志撫孤四代同堂享
壽八十三民國九年奉 大總統褒題志潔行芳匾額

松陽縣志

卷十

列女

孝節貞烈

五四

劉氏大竹溪庠生吳起敬妻年三十孀居家計窮困勢難
聊生氏矢志堅貞勤事紡績撫養二子均得成立道光
戊申由縣詳報旌表貞堅准予建坊

葉氏大竹溪王陽彩妻年二十七夫故無子僅有一女人
有勸其嫁者則曰我生不辰他適何益惟勤於紡績儉
於衣食能保三餐無缺得全名節幸矣守志五十八載
而卒

闕氏大竹溪吳邦中妻年二十二夫亡誓矢柏舟義方訓
子慈嚴兼備幾有斷機和丸之風子孫得以遊庠食餼
邑令聞其賢節爲詳報旌表建坊入節孝祠受胙

賢母

葉氏思步蔡士厚妻年二十五夫故潔以持身義以訓子
守節六十餘年壽至八十五歲

李氏匣源葉汝松妻年二十九喪夫堅持節操慎守家業
子孫繁盛壽至八十九歲

闕氏西田葉景琛妻年二十五夫病歿氏冰霜勵志辛苦
撫孤享壽九十一歲至今子孫昌熾

李氏里庄劉養林妻青年夫歿白雪心盟撫孤成立壽至
八十八歲

包氏思步蔡廷梁妻年二十三夫故勵節報夫恩勤鞠子
知府楊獎以節操冰玉匾額

松陽縣志

卷十

列女

孝節貞烈

五五

夏氏下田葉家全妻年二十七喪夫家貧子幼矢志撫孤
壽至七十九歲

張氏石倉闕玉瓶妻年二十一夫亡亟欲自殉姑嫂苦勸
始已矢志守節撫育繼子無異己出且能勤儉治家義
方教子有女丈夫之風焉年五十八而卒

葉氏排居口何長庚妻盛年孀守撫孤成立苦節四十餘
載現年七十有六

丁氏里庄李龍龍妻年三十夫故矢志撫孤卒年五十有
六

李氏里庄劉永旺妻年二十八夫故遺一子二女守節撫

孤享年八十有五

葉氏楊家堂宋起鰲妻年二十九夫溺水死氏痛不欲生時方有娠家人環守之未幾舉一子遂矢志守節撫孤成立現年五十九歲

葉氏思步蔡士良妻少寡子方數齡家甚貧爲人紡織以度朝夕守節撫孤備嘗艱苦壽八十三歲

闕氏象溪儒童高賢略妻年二十歸略結褵四載而夫亡遺一子甫週歲一女方三齡值髮匪之亂携孤避難流離顛沛艱苦備嘗事平回里女嫁男婚心力交瘁守節六十餘年壽至九十歲光緒庚子奉 旨旌表

松陽縣志

卷十

列女

孝節貞烈

五六

吳氏象溪高孫蘭妻年二十而寡一子尙在襁褓氏撫孤成立甫娶媳生孫未幾而子又卒孫方孤弱氏躬親撫養刻苦一生撫孤兩代壽至七十八歲

包氏象溪高良樟妻年二十六喪夫一子方周歲氏閉門守節矢志撫孤鄰里罕見其面光緒間知府趙亮熙旌表其門現年七十有七

周氏孝友高沛然妻宣平歲貢生周國錢女氏二十五夫以傷親歿氏痛不欲生旋念有子方在襁褓殉夫易而教子難當勉爲其難者於是冰雪盟心遣子杲出洋游學現已成立而氏年亦近六旬矣一生賢節識者謂其

有大家風焉

賢母

葉氏石倉區闕翰倫妻年二十八夫故僅有一女節比松柏始終不易其操撫伯氏子玉科爲嗣教養成人享壽八十有二

謝氏靖居庠生包立名妻年二十六夫故悲痛逾常誓以身殉不旬日竟以哀毀過甚而殞其身聞者悲之

葉氏靖居李在泮妻年三十夫卒無子撫姪芳森爲嗣飲冰茹蘗教子成名守節三十餘年享壽六十六歲

包氏鳳弄源許開中妻年二十八夫故一子甫五歲氏守寡撫孤紡績自給三黨稱之現年六十有四

松陽縣志

卷十

列女

孝節貞烈

五七

高氏小槎廩生劉士璋妻璋卒氏年二十五無子撫姪爲嗣守節四十餘年卒年六十七歲

周氏黃嶺根陳培蕙妻年二十八夫故矢志撫孤守節五十餘年現年八十有奇

周氏源內庠生葉懷清妻年二十八夫故撫養子女立志守節享壽五十八歲

陳氏里庄包金滿妻年三十夫故刻苦守節撫三子均成立現年七十有五

蔡氏下田葉發堯妻年二十九夫歿守節養孤壽至八十二歲

葉氏庠生徐應田妻年三十夫沒子定遠尚幼氏守節撫孤有斷機畫荻風後子入成均孫曾亦蔚起壽八十三張氏黃圩蔡黃元時妻年三十夫亡苦志孀守爲夫立後年至七十三而卒趙太守獎以彤管清芬匾額

項氏大竹溪潘新鑾妻年三十而夫故勵志守節訓子成家一堂四代子孫蕃昌壽登九十六而終

何氏赤岸庠生吳宗魯妻年二十三而魯卒氏痛哭欲絕時子生甫七月氏託乏乳名寄子母家欲以身殉後爲家人察知共守之得不死今子長成而孫繞膝矣現年六十有七其清潔之風爲一鄉欽仰云 以上節婦

松陽縣志

卷十

列女

孝節貞烈

五八

翁氏高亭周高錦妻年十三字周同治初元年十八夫被粵匪擄氏聞耗慟哭幾絕父母欲另字氏梗之曰生爲周家人死爲周家鬼豈以存亡易心哉卽撤環瑱誓死靡他亟歸周抱木主交拜孝事翁姑歷五十餘載民國七年縣知事錢以操凜冰霜額之

程氏貞女字古市儒童汪應璣爲妻未過門而汪亡氏矢志守貞光緒三年奉 旨題贈建坊顏曰節媿貞文李氏翁村李葆雨女許字赤岸周樹新爲妻聘未過門而夫卒父欲改配女不從遂歸周終身貞守迄今已五十餘歲矣

翁氏赤岸周邦俊妻年十九字俊爲繼室未幾俊染病篤氏聞之欲往視父母執不許俊故氏誓不他適父欲再贅輒梗父議後俊母聞其賢迎歸迄今三十餘年矣內外無間言以上貞節

珠珠大石陳興科女字遂昌城內李雷孫爲媳年二十二未嫁咸豐八年髮匪陷松女被擄逼姦誓死不從匪怒剖女腹而去

蔡氏孫如揚未婚妻初各由其父兩造訂婚約不數年孫蔡兩姓父相繼歿乃孫家中落如揚復病足而跛女母嫌之欲改字富家女以義命自安執不可母強之旣而

松陽縣志

卷十

列女

孝節貞烈

五九

改婚有期矣女陰求鄰翁代通婿家耗令其備薄禮肩輿來迎是時孫家兄弟俱年幼無識遲回不果往及改婚期至女遂於先一夕自縊而死

王氏字淑圓城南潘文衡童養之媳潘學大未婚之妻年十七夫卒誓不獨生成服後未一月謝絕人世從夫於九泉之下事聞於縣旌以節烈可風匾額以上烈女

程氏崗下項巨獻妻年二十五咸豐八年三月二十三日髮匪陷松波及崗下方匪至時村人咸遁氏不及隨家人避惟倉皇亂竄有一匪豔其色尾之不舍氏知勢難脫見村旁大塘躍身伏水而歿事平具報奉詔准入節

孝祠

葉氏外孟孟起鈺妻咸豐八年三月髮匪陷松蹂躪搜索靡所不至氏被獲賊欲污之不從賊以刀加其頸曰從我則生逆我則死氏罵曰吾頸非砥石豈容爾逆賊磨礪耶賊豔其色不遽傷氏曰人生百年總有一死與其被污而生不如守潔而死言下聲色俱厲卒遇害

葉氏項宅何關明妻年二十三嫁時關明已有病謹事數月醫治迄無效遂先飲藥卒光緒中士紳詳敘事實呈請當道褒曰節烈

湯氏張成昌妻自歸湯門夫婦相敬如賓未及三載夫病

松陽縣志

卷十

列女

孝節貞烈

六十

氏侍奉湯藥夜不安寢及病篤氏知不起遂服毒迨夫死而氏亦氣絕矣邑侯朱公聞之以節烈可風旌其門葉氏五都周振鏞妻古市庠生葉永燦女廩貢生葆銘之妹拔貢生葆彝之姊也年二十二夫歿無子痛不欲生繼念夫死尚未殯葬責猶未了及喪事畢乘人不備遂投繯自益邑令上其事旌表節烈

葉氏山下陽張重明妻二十五歲夫死喪葬畢投塘自盡被覺獲救因受水毒不逾年仍死

沈氏吳弄葉逢春妻光緒二十五年六月因夫病故服毒殉夫真烈婦也

洪氏山下陽張廷楷妻咸豐戊午髮匪蹂躪松境夫被擄
聞夫死卽自盡同治癸亥呈准旌表節烈

鄭氏山下陽邑庠生張廷煦妻咸豐十一年髮匪蹂躪松
境罵賊死節同治元年由縣詳准旌表節烈

祝氏山下陽張重潤妻咸豐十一年被匪擄不辱自殺同
治元年由縣詳准旌表節烈

陳氏劉嘉能妻年二十七夫故欲以身殉父姑百端防慰
氏強進飲食親理殮具畢乘防守稍懈卽自盡蓋逾夫
死纔三日耳隣族憫之呈請表揚縣知事趙祖壽以地
下從仁匾額旌之

松陽縣志

卷十

列女

孝節貞烈

六一

葉氏下田蔡榮發妻發故氏方十九歲誓以身殉家人環
守甚嚴少間遂飲毒自盡誠節烈也

葉氏城西何世家妻育二男一女及弱冠相繼亡其夫抑
鬱成疾未幾亦死喪葬畢氏卽捐軀自盡現已由縣呈
報准子旌表入祠矣

王氏清源莊人幼字蘇埠蔡維章章染咯血症因議早婚
王翁難之女泣謂父曰女終爲蔡家婦矣女命蹇姑歿
不逮事今瘠病無人奉湯藥義不得不歸以盡道婦父
感其志許之年十七歸蔡百計求治鬻奩具佐之侍夫
五載夫卒百日仰藥死時年二十一歲也光緒甲午士

紳聯請旌表以闡潛德發幽光焉

良妻

葉氏城西儒童潘宗榮妻年及笄歸潘未及一載夫病卒屢欲以身殉夫至週年遂自盡事聞於縣范公詳請旌表以節烈可嘉旌其門

吳氏古市侑生葉葆精妻精久病不起氏仰藥以殉里人咸稱其爲烈婦殉夫云

潘氏石倉區高小學校畢業生闕以松妻年二十松苦學成疾氏晨夕侍奉百計調護衣不解帶者一年有半竭盡婦道人無間言松卒不起氏誓不欲生食不入口者六日及喪葬畢遂自縊死

良妻

松陽縣志

卷十

列女

孝節貞烈

六一

包氏增生徐儒林妻賦性貞烈夫病故痛哭幾絕姑知媳有烈性力爲勸止不料包氏勉強忍痛視夫殮畢遂仰藥以殉縣知事聞之爲請旌表以慰貞魂

以上烈婦

案以上節烈各婦女有受民國褒揚者惟皆前清時人故並列於清之後焉

列女志二

義淑仁慈

清

林氏赤岸周廷瑞妻家道素豐夫故後勤儉自守雅意濟人凡貧苦親鄰無不周卹道路廟宇無不捐助其尤著者嘗捐撥腴田壹百拾餘畝爲合邑童生縣試卷費名曰文德田今又改撥爲學校經費矣清季奉旨准建樂善好施牌坊以旌其義慨出鉅資嘉惠士林好義若斯足稱巾幗丈夫矣

周氏城北葉萇階妻年二十五夫故立志堅守好行善事

松陽縣志

卷十 列女

義淑仁慈

六三

如築橋砌路修造寺院種種善舉無不爲之曾獨力捐建和仁石橋費款數千餘金同治間知縣徐葆清以女中丈夫額其堂光緒間知縣皮樹棠復以節操松筠匾額褒之享壽七十有五

李氏桐廊麻德芳妻年二十五夫故青年守志冰蘖盟心猶能深明大義樂善好施同治間獨建橫水石橋三洞架以橋屋需費千金遇歲歉減價平糶鄉鄰受惠享壽八十有六親見五代民國八年大總統褒以志潔行芳四字匾額

李氏桐廊麻儒瓚妻年二十四而寡守節撫孤事姑至孝

性尤樂善本村興學慨捐田畝以作校舍基址壽至七十有三民國八年 大總統褒以節勵松筠

吳氏古市儒童程廷璵妻育女二年二十三璵亡未幾二女亦相繼歿氏矢志孀守立夫兄子爲嗣勤儉治家除衣食費用外有餘悉以助慈善橋梁等事現年五十有三此次修志尤能捐洋百元道尹沈以急公好義四字額之

吳氏五木毛裕廷妻育子女各一後裕廷病纏綿三載氏侍藥日夜無懈迄不治夫故後青年寡居閱二十餘稔治理家務井井有條教育子女弗稍姑息子有過卽加

松陽縣志

卷十

列女

義淑仁慈

六四

切責甚則夏楚隨之不少寬假此次修志捐洋伍拾元爲助知事陳旌其閭曰畫荻遺風

高氏靖居包登瀛妻二十一歲喪夫無子越年翁姑繼逝遺下小姑小郎幼俱俱氏教養成人以時婚嫁並能勤儉治家所增田產悉歸小郎毫不自私戚族義之卒年四十有八

包氏黃嶺根陳家榮妻年三十夫故一子方九齡延師教讀得入邑庠性尤好善嘗遇歲祲飢民數十登門求乞推食而食無少吝嗇鄉人咸稱道之現年七十餘

楊氏寺嶺下徐仁保妻初生一女其姑適產一子名仁德

方逾月姑病歿家貧無力撫養舅欲將仁德拋棄氏憫其孤苦自以女與人爲養媳而撫育仁德現仁德長成亦奉氏若母焉

吳氏源內葉懷賢妻夫早亡未育子僅遺四女孀守五十餘載一病不起彌留時戚屬勸其將家產器具分給四女氏堅執不允曰吾有姪吾方望其長保吾夫裡祀敢以私吾女哉卒行已志而逝

賴氏饅頭山李小奶兒妻年二十三而寡守節五十餘年習醫自娛捨藥不取藥資活人無算

金氏周安吳連萬妻青年守節慈善爲懷壽八十四而終

松陽縣志

卷十

列女

義淑仁慈

六五

民國九年冬甌海道尹以壺儀足式額之十一年夏

大總統褒以汲泉登鯉姜婦騰廣漢令名課子熊丸柳

母創河東家法等詞並題孝慈延庥以旌之子家駿善承母訓力行善事如倡建祖祠重築仁安橋捐撥玉巖保嬰田皆其犖犖大者今歲修志慨助銀圓伍拾邑侯陳獎給樂善不倦匾額壽逾古稀子孫繞膝人咸謂其母節孝之報云

李氏白巖區坑根潘玉成妻生三子盛年夫故仲季兩子相繼不祿祇遺長子翁壽一人氏含辛茹苦教養成家現年九十有九孫曾繞膝五代同堂縣長陳廉其事以

筠節松齡旌之鄉紳葉永滋等爲詳叙事實呈請國典
給予褒揚足稱人瑞所尤異者諸孫各令自爨氏則自
撫二寡媳與子翁壽夫婦同居一切家務中饋猶手自
整理雖老弗懈嘗曰子若媳皆我骨肉必朝夕相聚甘
苦同嘗方慰我心若諸孫人眾勢不得不分爨也現一
子三媳均逾古稀白髮相依五老一堂人咸欽之此次
修志命子翁壽捐洋壹百元道尹沈獎給急公好義匾
額賢母賢子尤足爲該區首出一指

邱氏梨樹下張信壽妻職監張美松之母也慈惠賢淑遐
邇交稱壽八旬親朋擬爲捧觴稱慶氏囑子松婉辭以

松陽縣志

卷十

列女

義淑仁慈

六六

謝曰山路崎嶇盍將祝費修路建亭以便行人松遵命
而行楊君光淦跋其亭曰祝嘏民國戊午松於神壇嶺
腳獨建雙溪長弓石橋復捐田爲玉巖保嬰局經費本
歲修志慨助大洋伍拾元邑令陳額以樂善不倦旌其
義

列女志三

女士 附女校畢業生

謹案我松女士如張玉娘等其才原不世出舊志編入貞節未免才為德掩至於女學校惟高等小學數處他如女子師範女子職業等校凡與中學同等者尚未設立其在他處中學同等各校畢業者亦屬寥寥今姑存其目略舉數人以資表率亦開通女智引掖閨秀之意也

宋

張玉娘

今仍舊志編次在首二頁

松陽縣志

卷十 列女

女士

六七

女校畢業生

中華民國

葉旭閨

何東鶴

葉樟華

蔡旭姬

以上處州女子師範學校畢業

劉采蘋

周彩星

以上省立女子蠶業學校畢業

徐仁愛

省立第一女子師範學校畢業

方愛雲

省立女子職業學校畢業

彭璣

女子工藝學校畢業

列女志四

仙姑

白龍瑞見夫人姓周氏未笄時至江邊汲水得一物如日香美感惑觸掬而食之蓋龍精也有孕父母惡之夫人誓於天日奔走巖穴以自絕於人世既而生一兒夜則求乳日則去夫人曰兒其妖也兒曰予白龍也帝遣之托生於人兒變化異於他龍日司巖洞夜斂形來夫人以爲誑願示之形蜿蜒倏霍風電震赫夫人驚死晉時松旱縣令陳時禱雨於百仞山忽見白龍見於山上大雨如注令上其事更名爲白龍山縣亦因之立廟祀夫人

松陽縣志

卷十 列女

仙姑

六八

爲龍母廟又名太婆廟蓋因鄉人稱之早仍禱焉

鄭仙姑者鄭氏姊妹同心學道每謂塵世景光修短靡常乃取南岳魏夫人傳讀之曰夫人有夫已落第三乘矣求謝自然而師之二人每於靜夜焚香求度忽一女奴持呂洞賓詞歌曰坎離坤兌分子午須認取自家宗祖地雷震動山頭雨要洗濯黃芽出土捉得金精勞閉固煉甲庚要生龍虎他年問汝甚人傳但說道先生姓呂鄭氏習之蓋呂公昔度張珍奴之作也又得葉法善入使雲靄之法白日可以騰空初習時姊去妹守爐烟妹去姊守爐烟及其陰盡陽純則變化無方矣其後宗人

爲之立祠於靈鷲山下謂之僊姑廟

鄭太妃竹罔人鄭師之女明定陶王母嘉靖二十九年六月藩藩定陶王令諭藩府親戚鄭清等有印諭一道及太妃神像圖一幅並欽賜誥命御祭文一軸令准立祠享祀永遠度藏寶貴今該村亦遂奉太妃爲神矣

